

# INUIT ATAQATIGIIT INATSIARTUNI



UPA25/63

15. oktober 2025

Nivi Heilmann Efraimsen

**Paasissutissanik qarasaasiatigut suliarinnittarfinnik angisuunik  
Kalaallit Nunaannut inissiinissaq nunani tamalaani  
ingerlatseqatigiiffinnut pilerinartunngortinniarlugu naalakkersuinikkut  
suliniutinik sunik aallartitsisoqarsinnaanera pillugu  
nassuiaasioqqullugit Naalakkersuisut peqqunneqarnissaannik  
Inatsisartut aalajangiiffigisassaattut siunnersuut. Nassuiaat 1. januar  
2027-utinnagu Inatsisartunut agguanneqassaaq.**

(Inatsisartunut ilaasortaq Jørgen Rosbach, Demokraatit)

## **Oqaaseqaat:**

Siullermik Inuit Ataqatigiinniit Inatsisartunut ilaasortaq Jørgen Rosbach qulequttamut pingaarutilimmut qaqitsininnut qutsavigerusuppatsigit.

Siunnersuutip siunertaa inuiaqatigiinnut pingaaruteqartuuvoq tassa, nunatsinni aningaasarsiornitta ineriartorteqqinnissaanut aqqutissat ilagilluinnarsinnaasaannik nalunaarusiornissamik Naalakkersuisut peqquneqarnissaannik siunnersuuteqarmat. Inuit Ataqatigiinniit Kalaallit Nunaata inuussutissarsiutitigut ineriartortuarnissaa, immitsinnullu napatissinnaanerujartuinnarnissatsinnut aqqutissanik nutaanik pilersitsisoqarnissaa suleqataaffigiuassavarput.. Nunarsuarmioqataanitsigullu periarfissat nutaat takkuttut sukumiisumik sinaakkusernissaat suliassatut isigalutigu. Nalunaarusiap imaattup siunissami qarasaasiatigut suliarinnittarfinnik angisuunik Kalaallit Nunaanni inissiisinnanissap soqutiginartunngornissaa suliarisariaqarparput.

# INUIT ATAQATIGIIT INATSIARTUNI



Inuit Ataqatigiinni pingaartilluinnakkatta ilagivaat Nukissiutit avatangiisinut mingutitsinnginnerusut atorlugit inuussutissarsiutinik ineriartortitsinissaq.

Datacentreqalernerup Kalaallit Nunaanni minnerpaamik  
attaveqaasersuuteqarneq nukittorsarsinnaavaa, suliffissanik ataavartunik  
pilersitsiviusaaq, teknologimik ilinniartitaanikkullu siuariartornissamut  
aqqutissanik ammaassissaaq.

Inuit Ataqatigiinniit taamatut naatsumik oqaaseqarluta siunnersuut  
aappassaaneerneqartinnagu ataatsimiitsitaliami suliarineqarnissaa  
innersuupparput.